



OPĆINSKI NAČELNIK

Broj: 01-19-1267-11/25

Ustikolina: 30.09.2025.godine

Na osnovu člana 70.stav 1. Zakona o javnim nabavkama („Službeni glasnik BiH”, broj: 39/14, 59/22 i 50/24) i člana 101. a u skladu sa članom 37. Statuta Općine Foča („Službene novine BPK-a Gorazde“ broj: 8/08,11/08, 16/13 i 7/20), a na osnovu preporuke Komisije za javne nabavke broj: 01-19-1267-8/25 od 29.09.2025. godine, u postupku javne nabavke radova „Sanacija i adaptacija prostora buduće dječije igraone“, Načelnik Općine Foča **donosi**:

ODLUKU
o poništenju postupka javne nabavke

Član 1.

Poništava se postupak javne nabavke radova Sanacija i adaptacija prostora buduće dječije igraone, u skladu sa članom 69. stav (2) tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-1267-1/25 od 16.09.2025.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 28.400,00 KM.

Obavijest o nabavci broj: 1359-7-3-153-3-17/25 poslata je na objavu dana 16.09.2025. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 55/25 od 19.09.2025. godine

Komisija za javnu nabavku imenovana je Rješenjem broj: 01-11-1164/25 od dana 15.08.2025. godine. Tendersku dokumentaciju sa Portala javnih nabavki BiH preuzelo je 11 (jedanaest) ponuđača. Krajnji rok za dostavu ponuda bio je 29.09.2025. godine do 11⁰⁰ sati, te je izvršeno javno otvaranje ponuda u 11³⁰ sati, što je konstatovano Zapisnikom sa otvaranja ponuda od 29.09.2025. godine. Zapisnik sa otvaranja ponuda isti je dan poslat putem e-maila ponuđaču.

Komisija za javnu nabavku dostavila je dana 30.09.2025. godine Općinskom načelniku: Zapisnik o pregledu i ocjeni ponuda broj: 01-19-1267-7/25 od 29.09.2025. godine, Preporuku o poništenju postupka javne nabavke broj: 01-19-1267-8/25 od 29.09.2025. godine i Izvještaj o radu broj: 01-19-1267-9/25 od 29.09.2025. godine u postupku javne nabavke radova Sanacija i adaptacija prostora buduće dječije igraone.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (slovima: jedna),
- da je blagovremeno zaprimljena 1 (slovima: jedna) ponuda,
- da nije bilo neblagovremeno zaprimljenih ponuda.

Pristigla ponuda ponuđača: GPD Drina d.d. Goražde ocjenjena je nepravilnom i neprihvatljivom u skladu sa Zakonom o javnim nabavkama, podzakonskim aktima i tenderskom dokumentacijom.

Ponuda ponuđača GPD Drina d.d. Goražde je nepravilna i neprihvatljiva iz sljedećih razloga:

- U Aneksu 5. -Izjava o ispunjenosti uslova iz člana 45. Stav (1) tačaka od a) do d) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), strana 14 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 5 odbacuje kao nepotpuno popunjen.
- U Aneksu 6.- Izjava o ispunjenosti uslova iz člana 47. Stav (1) tačaka od a) do d) i (4) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) strana 28 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 6 odbacuje kao nepotpuno popunjen.
- U Aneksu 7.- Pismena izjava iz člana 52. Zakona o javnim nabavkama, strana 49 ponude, u dijelu predviđenom da se upiše broj „Službenog glasnika BiH“, u kojem je objavljeno obavještenje o javnoj nabavci, nije upisan broj „Službenog glasnika BiH“, u kojem je objavljeno obavještenje o javnoj nabavci. Komisija je jednoglasnog stava da je načinjena greška, te se Aneks 7 odbacuje kao nepotpuno popunjen.
- Ponuđač nije popunio stavku IV.1 i IV.2 (*vodomontažni/vodoinstalaterski radovi*) u Obrazcu za cijenu ponude, iako je tenderskom dokumentacijom propisano „9.5.1. Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. „

Detaljnijom analizom dostavljene ponude utvrđeno je da ponuđač nije ispunio izjave iz člana 45., 47. i 52. Zakona o javnim nabavkama BiH u skladu sa zahtjevima iz tenderske dokumentacije. Naime, dostavljene izjave ponuđača GPD Drina d.d. Goražde su nepotpune, što je u suprotnosti sa formom navedenih izjava koja je precizno propisana Upustvom za pripremu modela tenderske dokumentacije i ponuda („Službeni glasnik BiH“ broj: 90/14 i 20/15). Forma izjave je propisana i Aneksima tenderske dokumentacije u skladu sa Upustvom.

Članom 57. stav (1) Zakona o javnim nabavkama BiH propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (1) Zakona o javnim nabavkama BiH propisano je da ugovorni organ odbacuje ponudu ako je ponuđač dostavio nepotpune dokaze iz članova 45. do 51. Zakona o javnim nabavkama BiH.

Članom 68. stav (4) tačka i) Zakona o javnim nabavkama BiH propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije. Naprijed navedeni članovi Zakona o javnim nabavkama BiH su osnov za odbacivanje ponude ponuđača GPD Drina d.d. Goražde

Komisija za javnu nabavku radova sanacija i adaptacija prostora buduće dječije igraone jednoglasno je predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke radova sanacija i adaptacija prostora buduće dječije igraone, jer nijedna od primljenih ponuda nije prihvatljiva. U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana člana 68. stav (4) tačka i), član 69. stav (2) tačka d) Zakona o javnim nabavkama („Službeni glasnik BiH“ 39/14, 59/22 i 50/24), odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organau pisanoj formi u najmanje tri primjerka, u roku od 5 (pet) dana od dana prijema ove odluke.

DOSTAVLJENO:

1. „GPD Drina“ d.d. Goražde
2. Evidenciji
3. a/a

NAČELNIK OPĆINE

Mujo Sofradžija

